

## **WEBSITE HRISEL LO BLOCK DAN CHUNGCHANG:**

**Mamit Bialtu Er. H. Lalzirliana', a zawhna - 'Website hrisel lo te hi ban dan a awm lo'm ni?' a tih chhanna:**

Mizoram sawrkar chuan Pu Lalthlamuana, Chief Informatics Officer, Directorate of Information & Communication Technology chu The Information Technology (Procedure and Safeguard for Blocking for Access of Information by Public) Rules, 2009 hnuaiah 14 February, 2014 khan Nodal Officer turin a ruat a. Tun hnai ni 13 February, 2024 khan Mizoram sawrkarin a tichhuak nawn leh nghe nghe a ni.

He Rule hnuaiah hian Form siam a niin chumi hmang chuan Nodal Officer hnenah hian complaint thehluh theih a ni a. Chu complaint chu Government of India-in Designated Officer a ruat hnenah Nodal Officer hian tul a tih chuan a thehlut leh ang a. Chu chu Committee ruat bikin a ennawn hnuah tul an tih chuan Secretary, Ministry of Communication & Information Technology hnenah hriih hriain, ani remtihnain Intermediary (Telecom Service Provider/Web Hosting Company/etc) te hnenah Block tura tih theih a ni.